

UMS adakan

Festival Teater UMS 2018

UB 6.5.2018 B4

UNIVERSITI Malaysia Sabah (UMS) memang tidak asing lagi dengan Seni persembahan yang sentiasa dipentaskan oleh pelajar program Seni Kreatif Klauster Teater.

Oleh itu, pada julung-julung kalinya, program Seni Kreatif Kluster Teater tahun akhir menganjurkan Festival Teater UMS 2018 dibawah Projek Opera 4.0 dengan kerjasama Fakulti Kemanusiaan Seni Dan Warisan.

Festival ini secara langsung melibatkan pelajar daripada Seni Kreatif, pelajar tahun akhir Klauster teater (44ronin) dan juga Mahasiswa/i daripada beberapa fakulti lain yang turut berminat dalam seni persembahan.

Festival Teater UMS 2018 kali ini akan mementaskan sebelas karya teater daripada sebelas kumpulan yang berbeza dimana Kumpulan tersebut merupakan pelajar tahun akhir Seni Kreatif Klauster Teater.

Antara karya yang akan dipentaskan ialah naskah teater *Lena Tak pulang, Sesudah Subuh, Ratna Kadhal, Perhiasan Kaca, Orang Kasar, Ayahku Pulang, Terdampar, Le jue La Julia, Nisya Khaleed, Melati & Melur* dan

Malam Jahanam.

Sebelas karya yang akan dipentaskan ini masing-masing mempunyai jalan cerita yang menarik dan ada kritikan sosial masyarakat yang sedang berlaku pada masa kini.

Festival ini dijalankan dengan tujuan memberi pendedahan kepada IPTA/IPTS dan juga warga belia serta komuniti umum mengenai satu persembahan teater yang bersifat akademik dan intelektual dengan menyentuh isu sosial melalui cabang sosial yang diketengahkan dalam bentuk persembahan teater khususnya.

Selain itu, dengan adanya persembahan teater seperti ini maka platform untuk mengekalkan seni teater dapat dikenali oleh masyarakat, mahasiswa IPTA/IPTS dan juga mahasiswa dalam UMS sendiri.

Dengan ini, Festival Teater UMS 2018 menjemput semua warga Sabah khususnya pengiat seni di Sabah untuk sama-sama datang ke sebelas persembahan dari sebelas kumpulan yang berbeza pada tarikh 4 Mei 2018 hingga 15 Mei 2018 yang bermula jam 7.30 malam bertempat di Dewan Resital, UMS.